

第五〇四冊

博物彙編

神異典

僧部

（卷）  
二六—二七

# 古今圖書集成

中華書局影印

欽定古今圖書集成博物彙編神異典

第一百七十八卷目錄

僧部列傳五十四

宋五

文悅

慧辨

大覺

希最

契嵩

慧南

洪英

懷義

處謙

守智

居訥

慶閑

齊曉

志言

慧才

僧湛

守端

寶覺

辨才

密古

行偉

慧元

源禪師

神異典第一百七十八卷

僧部列傳五十四

宋五

文悅

按五燈會元南嶽雲峰文悅禪師南昌徐氏子初造大愚開示衆曰大家相聚喫葷齋若喚作一葷齋入地獄如箭射便下座師大駭夜造方丈愚問來何所求師曰求心法愚曰法輪未轉食輪先轉後生起色力健何不爲衆乞食我忍饑不暇何暇爲人說禪乎

師不敢違未幾恩移翠巖師納疏罷復過翠巖求指  
示巖曰佛法未到爛却雪寒宜爲衆乞炭師亦奉命  
能事罷復造方丈巖曰堂司關人今以煩汝師受之  
不樂恨巖不去心地坐後架桶搖忽散自架墮落師  
忽然開悟頓見巖用處走搭伽黎上寢堂巖迎笑曰  
維那且喜大事了畢師再拜不及吐一辭而去服勤  
八年後出世翠巖時首座領衆出迎曰德山宗乘即  
不問如何是臨濟大用師曰你甚處去來座擬議師  
便掌座擬對師喝曰領衆歸去自是一衆畏服僧問  
如何是道師曰路不拾遺曰如何是道中人師曰草  
賊大敗僧禮拜師噓一聲問萬法歸一一歸何所師  
曰黃河九曲曰如何是第一句師曰垂手過膝曰如  
何是第二句師曰萬里崖州曰如何是第三句師曰  
糞箕掃帚問如何是深山巖崖佛法師曰翻倒上  
樹問如何是衲衣下事師曰皮裏骨間不涉廉纖請  
師速道師曰須彌山問如何是清淨法身師曰柴場  
扶草上堂語不離窠道焉能出蓋繚片雲橫谷口迷  
却幾人源所以道言無展事語不投機承言者費滯  
句者迷汝等諸人到這裏憑何話會長久曰欲得不  
招無問業莫謗如來正法法輪上堂過去諸佛已滅未  
來諸佛未生正當今日佛法委在翠巖放行則隨機  
利物把住則瓦解冰消且道把住好放行好良久曰  
咄這野狐精擊禪牀下座上堂汝等諸人與麼上來  
大似刺腦入膠盆與麼下去也是平地喫交直饒不  
來不去朝打三千暮打八百上堂道遠乎哉觸事而  
眞聖遠乎哉體之則神所以娑婆世界以聲音爲佛  
事香積世界以香飯爲佛事翠巖這裏祇於出入息

內供養承事過現未來塵沙諸佛無二空面者見  
未來塵沙諸佛是翠巖時者無二玉到如二不經二  
十拄杖諸上座還會麼將此深心奉獻則名爲  
報佛恩上堂有情之木依慈海以爲源含識之徒  
法身而爲體祇爲情塵層層隔想慧體難透本體忘知  
心體合諸禪德會麼古律裏莊莊相交聯殿與燈籠  
關額若也不會單重更折上堂竿木隨身逢場作戲  
然雖如此一手不獨拍衆中莫有作家禪客本分衲  
僧出來共相唱和有麼時有僧出禮拜師曰依稀似  
曲絳堪聽又被風吹別調中便下座上堂天明平旦  
萬事成辦北俱盧洲長梗米飯下座上堂有佛處不  
得住無佛處處走過你等諸人橫擔拄杖向甚麼處  
行脚良久曰東勝神洲持鉢西瞿耶尼喫飯上堂假  
使心通無量時歷劫何曾異今日且道今日事作麼  
生良久曰烏龜鑽破壁上堂見聞覺知無障礙馨香  
味觸常三昧衲僧道會也山是山水是水飢來喫飯  
困來打睡忽然須彌山跳人你鼻孔裏摩竭魚穿你  
眼睛中作麼生商量良久曰參堂去上堂一刀兩段  
未稱宗師就下平高固非作者翠巖到這裏口似匾  
擔你等諸人作麼生商量良久曰欲得不招無問業  
莫謗如來正法法輪上堂若見諸相非相即山河大地  
並無過咎諸上座終日著衣喫飯未曾敲著一粒米  
未曾挂著一縷絲便能變大地作黃金攪長河爲酥  
酪然雖如是著衣喫飯即不無衲僧門下汗臭氣也  
未夢見在上堂普賢行文殊智補陀巖上清風起  
驢趁隊過新羅吉嶺古頭三千里上堂拈起拄杖曰  
掌鉢孟向香積世界爲甚麼出身無路挑日月於拄

恆事進修天邑之間偏加激勵屬憲宗太皇太后郭氏元和中爲母齊國大長公主追福造奉慈精舍搜擇名德則乃預選入居未久之間聞四明鄧山有阿育王塔東晉劉薩訶求現往專禮焉乃匠意將七寶爲末用膠範成摹寫脫酷似自甬東躬自負歸奉慈寺供養京邑人皆傾瞻歸信焉

明準

按宋高僧傳明準者不詳氏族生緣本天台靈墟道場出俗遊方至京邑觀古之神僧智苑於范陽北山刊石寫經灌鐵以俟慈氏下生免水火之虞又東洛長壽寺寫華嚴聖善寺寫法華嵩山嶽寺寫楞伽悉刊貞珉皆圖不朽準遂於貞元戊寅歲春正月見寺僧聖山攻石石悉頑惡知匠氏不度山靈祕爰時準疏告陰靈請禱善務俄於定中見若干幅貯無量石冥冥之間如有宰割皆中刻字時連率博陵崔公激勵幕府參佐各書一品從序至勸發凡二十八團廓挺立不葺畢工準之化人皆此類也元和元年八月中也後不詳終所

法照

按宋高僧傳法照不知何許人也大曆二年棲止衡州雲峰寺勤修不懈於僧堂內粥鉢中忽忽五彩祥雲雲內現山寺之東北五十里有山山下有澗澗北有石門入可五里有寺金榜題云大聖竹林寺雖目擊分明而心懷阻礙他日齋時還於鉢中五色雲內現其五臺諸寺盡是金地無有山林穢惡純是池臺樓觀衆寶莊嚴文殊一萬聖衆而處其中又現諸佛淨國食畢方滅心疑未決歸院問僧還有曾遊五

臺山已否時有嘉延曇暉二師言曾到言與鉢內所見一皆符合然尚未得臺山消息暨四年夏於衡州湖東寺內有高樓臺九旬起五會念佛道場六月二日未時遙見祥雲彌覆臺寺雲中有諸樓閣閣中有數梵僧各長丈許執錫行道衡州舉郭咸見彌陀佛與文殊普賢一萬菩薩俱在此會其身高大見之者皆深泣血設禮至西方滅照其日晚於道場外遇一老人告照云師先發願往金色世界奉觀大聖今何不去照怪而答曰時難路艱何可往也老人言但亟去道路固無留難言訖不見照驚入道場重發誠願夏滿約往前任是大聚冰河終無退却至八月十三日於南嶽與同志數人惠然肯來果無阻礙則五年四月五日到五臺縣遙見佛光寺南數道白光六日到佛光寺果如鉢中所見略無差脫其夜四更見一道光從北山下射照照忙入堂內乃問衆云此何祥也吉凶焉在有僧答言此大聖不思議光常有緣照聞已即具威儀尋光至寺東北五十里間果有山山下有澗澗北有一石門見二青衣可年八九歲顏貌端正立於門首一稱善財二曰難陀相見歡喜問訊設禮引照入門向北行五里見一金門樓漸至門所乃是一寺寺前有大大金榜題曰大聖竹林寺一如鉢中所見者方圓可二十里一百二十院皆有寶塔莊嚴其地純是黃金流渠華樹充滿其中照入寺至講堂中見文殊在西普賢在東各據師子之座說法之音歷歷可聽文殊左右菩薩萬餘普賢亦無數菩薩圍繞繞至一賢前作禮問言末代凡夫去聖時遙知識轉劣垢障尤深佛性無由顯現佛法浩瀚未

審修行於何法門最爲其要惟願大聖斷我疑網文殊報言汝今念佛今正是時諸修行門無過念佛供養三寶福慧雙修此之二門最爲徑要所以者何我於過去劫中因觀佛故因念佛故因供養故今得一切種智是故一切諸法般若波羅蜜甚深禪定乃至諸佛皆從念佛而生故知念佛諸法之王汝當常念無上法王令無休息照又問當云何念文殊言此世界西有阿彌陀佛彼佛願力不可思議汝當繼念令無間斷命終之後決定往生永不退轉說是語已時二大聖各舒金手摩照頂爲授記別汝已念佛故不久證無上正等菩提若善男女等願疾成佛者無過念佛則能速證無上菩提語已時二大聖互說伽陀照聞已歡喜踴躍疑網悉除又更作禮禮已合掌文殊言汝可往詣諸菩薩院次第巡禮授教已次第瞻禮遂至七寶果園其果纔熟其大如盤便取食之食已身意泰然造大聖前作禮辭退還見一青衣送至門外禮已舉頭遂失所在倍增悲感乃立石記至今存焉復至四月八日於華嚴寺西樓下安止泊十三日照與五十餘僧同往金剛窟到無著見大聖處處心禮三十五佛名照禮繞十徧忽見其處廣博嚴淨琉璃宮殿文殊普賢一萬菩薩及佛陀波利居在一處照見已惟自慶喜隨衆歸寺其夜三更於華嚴院西樓上忽見寺東山半有五聖燈其大方尺餘照呪言請分百燈歸一畔便分如願重謂分爲千炬言訖便分千數行行相對徧於山半又更獨詣金剛窟所願見大聖三更盡到見梵僧稱是佛陀波利引之入聖寺語在覺救傳至十二月初達於華嚴寺華嚴院



入念佛道場絕粒要期誓生淨土至於七月初夜正念佛時又見一梵僧入乎道場告云汝所見臺山境界何故不說言訖不見照疑此僧亦擬不說翌日申時正念誦次又見一梵僧年可八十乃謂照曰師所見臺山靈異胡不流布普示衆生令使見聞發菩提心獲大利樂乎照曰實無心祕蔽聖道恐生疑謗故所以不說僧云大聖文殊見在此山尚招人誘兄汝所見境界但使衆生見聞之者發菩提心作毒鼓緣耳照聞斯語便隨憶念錄之時江東釋慧慈以大曆六年正月內與華嚴寺崇禪明詠等三十餘人隨照至金剛窟所親示般若院立石標記於時徒衆誠心瞻仰悲喜未已遂聞鐘聲其音雅亮節解分明衆皆聞之驚異尤甚驗乎所見不虛故書於屋壁普使見聞後照又依所見化竹林寺題額處建寺一區莊嚴精麗便號竹林焉又大曆十二年九月十三日照與弟子八人於東臺觀白光數四大有異雲數變雲開見五色通身光光內有圓光紅色文殊乘青毛師子乃罪微下雲五色圓光徧於山谷照後修鍊無曠不知其終絳州兵掾王士詹進聖寺記云

### 惟實

按宋高僧傳惟實姓湯氏富陽人其爲人也修飾其行禪觀其心淡然靜居長坐不寐初母氏抑其願心不容披削既而籠開鳥逝岸穴泉飛學善財之徧參同迦葉之練行天寶中往明州若器山夜聞冥告曰達達聖跡名山宜矣翼日且登其山巖洞窮窺石壁削成秀異之多實維靈境有大佛足跡詢其山叟則曰彼開元年中始現斯瑞遂願棲此有終焉之志時

屬海寇袁昆蜂蟻屯聚分以割劫殺戮無辜至於香山衆皆奔竄實據榻瞑目先以大石掩洞門賊可三百數復昇巨石闕二丈餘鎖其穴口實起暗鳴以掌舉之羣盜羅拜以謝之而去邑民重之遂立精舍弗再歲而成大曆八年也太守裴微奏請署香山題額焉詔度僧七人隸名矣以貞元二年冬示疾終於寺踰跌而化也春秋六十二法臘三十一矣

### 慧寂

按宋高僧傳慧寂俗姓葉韶州須昌人也年登十五懇請出家父母都不聽允至十七再求堂親猶豫未決其夜有白光二道從曹溪發來直貫其舍時父母乃悟是子至誠之所感也寂乃斷左無名指及小指器藉跪致堂階曰答謝劬勞如此父母知不可留捨之依南華寺通禪師下制染年及十八尚爲愚慧營持道具行尋知識先見耽源數年良有所得後參大潯山禪師提誘京之樓泊十四五載而足跛時號跛脚驅鳥凡於商榷多示其相時輩曹就寂請伽陀乃將紙畫規圓相圖圍下注云思而知之落第二頭云不思而知落第三首乃封呈達自爾有若干勢以示學人謂之仰山門風也海衆扼衣得道者不可勝計往往有神異之者倏來忽去人皆不測後教追謚大師曰智通塔號妙光矣今傳仰山法示成圖相行於代也

### 惟靖

按宋高僧傳惟靖吳門人也年三十許形奇貌古且類慈癡入國寧寺巡僧房唱曰要人出家請留下至經藏院見二衆闍梨大德慧政便跪拜伸誠願客執

侍政公允納與剪飾於天台受具暫歸謝政便尋訪名山有知識處必經寒嶽自爾勤於禪法未嘗發言即居定光禪師廢金地道場使星赴禪林寺晨粥而多虎豹隨到寺門虎踞地若伺候靖出復隨至金地遲明巨跡極多靖恐人知以鋤滅虎迹俄患背疽困睡有鳩鳥糞於瘡所不久全愈又虞冰雪備糧粒半斗每日以銚合菜羹食糞糞於地窖中過期用米常滿不耗靖乃築之而云吾被此物知非理也尋居伏龍山山可瞰海峰勢峯嶺皆僧鑒諸曾隱於是諸即唐王相國之母弟也能文習道刺史多往謁之靖續遁此山刺史黃晨常請出州供施繫委未於奉川北山置院示疾坐終享齡七十餘窆於山下瑩塔存焉

### 定蘭

按宋高僧傳定蘭姓楊氏成都人也本關閬間兇惡屠沽類天與厥性悔改前非誓預六和化行三蜀當爾時也咸歸信焉造伽藍一號聖壽其緣未發乃藏於傭保中而父母早亡無資可以追往每遇諱辰蘭悲哭咽絕輒裸露入青城山縱蚊蚋蠅蟻咬膚體且云捨內財也用答劬勞蜀中有黑白蟆形如栗呖人口及肉而少見者次則刺血寫經後則煉臂至於拔耳剜目餒餓鷲鳥猛獸既而行步非扶導而觸物顛蹶後有異人掌擎物若珠顆然內空甕中斯須贈賜如故冥告曰南天王還師眼珠矣遠近驚駭常謂人曰吾聞善戒經中名爲無上施吾願勤行速要上果矣大中三年宣宗詔入內供養仰其感應之故以優禮奉之弟子有緣恆執事左右六年二月中又願焚然肩膊帝累勅免年者且務久長修煉蘭不奉詔

送焚焉而絕有緣表請易名建塔勅諭覺性塔號悟真蜀都止呼定蘭塔院於今香火不絕云

鴻休附著九

按宋高僧傳鴻休不知何許人也神宇標挺元機幹運居閩黃蘗山寺示教之外快然怡樂恆言宿債須償償盡則何憂何懼物我俱逍遙矣人皆不喻其旨及廣明之際巢寇充斥休出寺外脫納衣於松下磐石之上言曰誓不汗清淨之地而安許引頸待刃刃下無血賊翻驚異羅拜懺悔焉門弟子景先闡維其屍收舍利七顆囊而寶之有篤信者以菽粒如數易之追之靡及遂往筮焉占之曰死生貴賤罔出吾卦在靡在之失寧失矣孰知其然也泊復真之於塔分之七粒緘於琉璃器中瑩然光色時僧清裕著文作頌紀德焉

全齡

按宋高僧傳全齡俗姓柯氏泉州人也少而挺秀器度宏遠而疎略禮清源誼公為師往長安造西明寺照公與受滿足法即於左街保壽寺聽尋經律決擇綱宗垂成講導振錫南指詣武陵德山藥病相應更無疑滯後居所鄰洞庭地曰臥龍乃築室而投憩焉徒侶影隨又居唐年山山有石巖巖上立院號巖頭凡所施用皆削繁總兀然而坐任衆圍繞曰汝何不思惟家中有多少事實於逆順之境證得超越之相者齡值光啓已來中原多事諸侯角立狂賊來剽掠衆皆迴避齡惟晏如賊責弗供饋忿怒俾揮刀之曾無懼色當光啓丁未歲夏四月八日門人權葬葬後收焚之獲舍利七粒僖宗賜諡曰清嚴塔號出塵葬

事檀越田誅兄弟率財營構南嶽釋元泰撰碑頌德提唱斗峻時號巖頭法道難其領會焉

元慧

按宋高僧傳元慧俗姓陸氏晉平原內史機之裔孫也父丹文林郎雲騎尉溫州糾曹慧即仲子也髫齡穎悟長而溫潤畏作枯龜思為瘦馬以開成二年辭親於法空王寺依清進為弟子會昌元年往恆陽納戒法方習毗尼入禮五臺仍觀衆瑞二年歸寧嘉禾居建興寺立志持三白法諷誦五部曼拏羅於臂上蒸香炷五年側遭澄汰權隱白衣大甲初還入法門至七年重建法空王寺又然香於臂供養報恩山佛牙次往天台山度石橋利有攸往略無憂慮焉咸通中隨送佛中指骨舍利往鳳翔重真寺煉左拇指口誦法華經其指不逾月復生如故乾寧三年偶云乖念九月二十八日歸寂於尊勝院報齡七十八僧臘五十八弟子端肅等奉神座葬之吳會之間謂為三白和尚焉

東草師

按宋高僧傳東草師者無何而至京兆平康坊內苦提寺其為人也形不足而神俊吟嘯自得罕接時人且不言名姓常負束囊坐臥於兩廊下不樂住房舍或云此頭陀行也經數年寺內綱任勸其住房或有請其狼籍曰爾厭我耶世不堪戀何可長也其夕遂以束囊焚身至明惟灰燼耳且無遺骸略盡汗塗之臭又無延燈驚咤之聲計其少葉不能焚此全軀既無子遺然其起三昧火而自焚也衆皆稱歎民多觀禮焉京邑信士遂塑其灰為僧形置於佛殿偏傍世

號東草師禱祈多應焉

行明

按宋高僧傳行明俗姓魯吳郡長洲人也幼從師於本部後遊方問道然其耿介軒昂笑傲自放初歷五臺峨嵋禮金色銀色二世界苦薩皆隨心應現由此登天台陟羅浮入衡嶽遊梓潼時屬唐李湘之左右割裂紛爭靡有寧歲於是棲視融峰下有終焉之志止七寶臺與元泰布納為交契其性之好惡泰亦罔抗其輕重焉嘗謂道友曰吾不願隨僧崖焚之於木樓不欲作屈原葬之於魚腹終誓投軀學薩埵太子超多劫而成聖果可不務乎屢應言之都不之信忽於林薄間委身虬虎前爭競食之須臾肉盡時泰公收其殘骸焚之而獲舍利乃擲華酌水為文祭之辭中明其勇猛能捐內財破怪法成檀度未捨已捨當捨三輪頓空取大果若俯拾芥焉

文贊

按宋高僧傳文贊姓張氏晉陽人也天姿整恪幼事師於并州崇福寺學該羣籍控帶三乘至若金版銀繩之錄龍輶象祕之文罔不稔梓情田波濤口海宣暢皇化對揚天休一皆悅服詔為翻譯河南佛授記寺兼京兆安國荷恩崇福等寺大德好修福事設無遮一百會凡聖混淆一皆等施縱風雲連起及至齋日必晴明晏然感動人祇福無虛設春秋六十餘卒於本院境內苦霧如泣數日不解焉

懷玉

按宋高僧傳懷玉姓許并州人也少而警利日覽千言早露鋒芒迴拔儕類及其長也戒節逾峻林場龜

鑑志在修葺無間彼此夏墟寺宇經有闕而必補像有凋而徧修三任紀綱特有崇建仍校讎大藏經二十餘本祁寒盛暑不廢晨暮增飾淨土院典事任力轉加殊麗代宗嘉之委為灌頂道場主真言秘訣有所在矣春秋六十三卒於本院云

代病師

按宋高僧傳代病者台州天台人也姓陳氏以其嘗發大願盡一報代衆生之病致本名不顯矣誕育之辰祥光充室鄰里異焉七歲喪父哀毀幾於滅性白母求出家母纔艱阻遂斷一指親黨敦勸乃送於國清寺因戒法登滿誓志觀方初止今東京次於河陽為民救旱按經續八龍王立道場啓祝畢投諸河舉衆咸親畫像沈躍不定斯須雲起膚寸雷雨大作千里告足自此歸心者衆先是三城間多暴風電動傷苗稼堆堞號為毒龍為之也代病為誦密語後經歲序都亡是患盟津民立堂宇若生祠焉大曆元年登太行遊霍山乃深入幽邃結茅而居有盜其孟食俄見二虎據路會逢代病盜叩頭陳悔慰諭畢因摩挲虎頭如是累伏猛獸其盜本樵子願依附為苦行焉其中山神廟晉絳之間傳其形蠶代病入廟勸其受歸戒絕烹燂牲牢其神石像屢屢隨勸領首願其神婦略無僉答之狀遂刺神之髮毀撤神婦鄉人怪之聞白州邑太守怒之曰此唐高祖初起至此久困陰雨其神見形示路以迎義師厥後磐石為像鷹鸇無虧此之兇師無狀敢爾俾繫閉於嘉泉寺局鍵且嚴至二十日啓關寂然禪定傾城咸往觀禮或聲磬舒徐而起太守急召之不來以至約令斷頭代病斬一

指以付使者太守感之躬就迎請移置大梵寺別營軌浮圖以藏其指節矣由是檀信駢肩躡踵有真毒於酒者賄貧女往施之代病已知貧女給之曰妾家醞覺美酌施和尚求福况以佛不逆衆生願代病曰汝亦是佛然貧女懼反飲具以情告代病執杯暖之俄爾酒氣及兩脛足地為之墳裂聞者驚怪以酒供養自茲始也汾隰西河人有疾止給與淨水飲之必瘳凡屬荐饑必募糧設食後於趙州救斯荒歉作施食道場前後八會遐邇賴之道德多類以貞元十九年秋七月八日奄然跣跡示滅四衆初謂如嘉泉寺之禪定歟香花供養至於隔歲膚肉漸堅方知未逝遂漆布繒畫之武宗廢塔像無巨細皆毀除或議之移入陶甕中既而生瑞草一本其狀亭亭若蓋盤錯縈紆庇其風雨而有餘也宣宗即位佛事中與綱糾比丘造小亭移其形置於此先於嘉泉寺斷指節已過百齡筋肉甲爪光潤且如金色或屬兵革城陷指亡後有齋出逃難事息歸還亦陰福其通亡者至今平陽人崇信焉

僧竭

按宋高僧傳僧竭者不知何許人也生在佛家化行神旬護珠言戒止水澄心每嗟新固之夫不自檀那之度乃於建中中造曼殊堂擬摹五臺之聖相議築臺至於水際竭懼傷生命俾立三日道場呪其多足至無足當移竄相避勿成其梵行之難將知至誠所感徵驗弗虛掘土及泉了無蠢動焉常以複素為蔬糞遇汲有蟲投諸井坎時號護生井恆盈不涸又觀其飛蛾蟻蝶錯認火明為可飛之路故犯之乃鑄銅

鑪為息煙調天下傳其制度其曼殊院嘗轉經每勸賜香此寺本七寶臺寺內有天后所造之臺竭居於中焉

定光

按宋高僧傳定光者不知何許人也爰從入法厥性弗拘糧食斷中蠶孺卒歲方於庸蜀化導有緣其後遭武宗毀廢例反儒宗及平佛日重舉僧倫咸序光締構寺宇因鑄大鐘計赤金萬餘斤兩日鼓鑄灰飛投爐火熾有祥煙兩道自浮圖相輪最高處出冉冉射上若虹霓焉萬人引望五色騰凌相感如然信茲斯應其塔是阿育王藏舍利之所太和初南蠻蒙倭顯剽掠入益城分蠻宰舍於寺內廊廡皆烹炙熏灼僧皆奔迸時塔頂出四道濃煙分穗直上空虛至夜蠻蠻觀此奇異乃禁止汗穢此塔先在西北四十餘步天寶末長史章仇兼瓊赴任至劍門見一人長一丈餘持戟當路兼瓊驚問對曰某是大石寺護塔神故來奉迎且有少事咨祈大夫也緣大石寺塔在西南末為極善今請移東北四十二步伏望便掘石此下以鎮舍利兼瓊曰此易耳遂隱厥形到府數日乃令量其地處先掘果得巨石其深無際促石匠數十人鑿鑿之至夜輒填滿道人潛伺之見有白瓊數十以喙推石末塞之隨以舌舐其堅如鐵銅矣章仇止令勿鑿遂移塔於今所即金華舊寺基也光鐘亦移入新寺焉

貞幹

按宋高僧傳貞幹俗姓武氏雲中人也神宇高邁以禪默為務曳錫躡步南訪靈跡及至故鄣有崑山寺



者林泉秀茂則宋文彞諦嘗考室於此味道崇化二十餘載基址存焉至元嘉中創成大伽藍屬武宗廢教其寺屏除幹至止於茲與范陽盧君暨同典弘覺法師第二生名跡寺成進士姚扶有詩幹後遊今秀州長水見靈光寺邑民欲樹巨殿時盧令移邑字民欣然相遇幹悉先知或云得他心宿命之明焉遂請幹首唱而惡偃室之囂寓殿基後編苦為淺室而居四方檀信弗召自臻又與僧令恭君道等累歲方成今殿基最高廣海內罕比事畢聖敕褒振舊錫歸北莫知其終

道遵

按宋高僧傳道遵字宗達姓張氏吳興人也夙負殊操潔士稱之榮耀不足關於心聲塵未嘗觸其性至年二十詣天竺義威律師受具戒事報恩寺興大師首宗毗尼傳教也後學天台一心三觀法門欲廣寫法華經置道場闡經院之一日發其心二之日規其址作不逾序厥功成焉居支硎之福地大曆元年州將韋元甫兵部尚書劉晏侍御史王圓開州刺史陸向殿中侍御史陸迅大理評事張象鏡誘真共獲殊勝乃相與飛表奏聞詔書特署為法華道場自江以東總一十七所皆因遵之首置也舉精行大德二七人常持此經以報主恩鑄盧舍那及毗盧遮那像及多寶塔修淨土當生業造彌陀佛復寫天台教益于道場置常住莊二區平時講法華元義天台止觀四分鈔文臨壇度人授心揚律徒盈石室之壽天寶中於靈巖道場行法華三昧忽觀大明上燭於天我身正念儼在光中異日間荆溪然師曰智慧光明從

心流出非精志之所致耶又於本寺入法華道場觀此身在空中坐先證者知是澄垢之相其年春秋七十一僧夏四十六以興元元年七月二十九日告終於支硎山寺僧益公翰公一夜同夢大殿崩果遵入滅門人靈翰法盛道欣猶子靈源追慕不已樹塔旌德焉

含光

按宋高僧傳含光不知何許人也幼覺驚塵馳求簡靜開元中見不空三藏頗高時望乃依附焉及不空却回西域光亦影隨匪憚艱危思尋聖迹去時泛舶海中遇巨魚望舟有吞噬之意兩道黑風天吳異物之怪既從恬靜依抵師子國屬尊賢阿闍梨建大悲胎藏壇許光并慧晉同受五部灌頂法天寶六載回京不空譯經乃當參議華梵屬師卒後代宗重光如見不空勅委往五臺山修功德時天台宗學湛然解了禪觀深得智者膏腴常與江淮僧四十餘人入清涼境界湛然與光相見問西域傳法之事光云有一國僧體解空宗問及智者教法梵僧云曾聞此教定邪正晚偏圓明止觀功推第一再三燭光或因緣重至為翻唐為梵附來某願受持屢屢握手叮囑詳其南印土多行龍樹宗見故有此願流布也光不知其終

寂然

按宋高僧傳寂然姓白氏不知何許人也名節素奇踵四聖種故號頭陀焉太和二年振錫觀方訪天台勝境到剡沃洲山者在天姥岑之陰對天台華頂赤城北望四明金庭石鼓山介焉其西北有支遁嶺蒼

馬坡放鶴岑次焉晉宋已來茲山洞開初有羅漢白道猷言西域來展止是山次竺法潛支道林居焉高人勝士接踵而棲此中至於戴逵王羲之郗超孫綽許詢遊憩其間矣見是中景異聞名士多居如歸故鄉戀而不能捨去既行道化盛集禪徒浙東廉使元相國稭問之始為上築次陸中丞臨越知之助其完葺三年鬱成大院五年而佛事興然每為往來禪侶談說心要後終於山院太和七年時白樂天在河南保釐為記劉賓客馬錫書之

增忍

按宋高僧傳增忍姓史氏沛國陳雷人幼登鄉校諸書寓目入神工文隨計吏數舉不捷會昌初遊塞垣訪賀蘭山得白草谷頓挂儒冠冠歸釋氏乃薤草結茅為舍倍切精進羌胡之族競獻酥酪至五載節使李彥佐嘉其名節於龍興寺建別院號白草焉忍刺血寫經李公慮其枯悴躬往敦諭日師何獨善一身行小乘行胡不延惜生性任持教法所利博故忍執情膠固遂著三教毀傷論以見志師覽而益加崇重九年因讀大悲經究尋四十二臂至無畏手疑而結壇洩句禱請自空中現其正印雙拳歷歷可觀遂命畫工繪寫此臂焉或有譏謗者忍再精虔度告畫工濯筆銅碗中忽感實性華一朵枝狀髻葉一皆鮮明觀者驚歎至咸通十二年七月十日示滅於白草院春秋五十九以十月十七日藏神於水館之南建塔焉初忍刺血寫經總二百八十三卷畫盧舍那閣三十五尺門一丈六尺起樣畫大悲功德三軸自著大悲論六卷並藏諸篋焉後節使唐恆夫仰其遺跡

奏乞旌勸勅諡大師曰廣慧塔曰念定弟子無轍亦致遠之高足齋血書經二卷瑞華梳一枚詣闕奏呈宣賜紫衣天復中終及梁乾化初中書令西平王韓公遜錄遺跡奏聞太祖勅致諡曰法空別賜紫方袍塞垣榮之後唐同光中從事薛昭紀爲碑焉

幽元

按宋高僧傳幽元俗姓劉幽州人也夙懷出俗之願年及弱冠方遂前心投井州賢禪師而了元契元和二年振錫江左至會稽大雲寺見三學僧稅定食輪資緣都闕元發言響應檀越供贍未幾移居湖心龜山妙喜古寺九年屬平昌孟簡鎮於越任駕問道遂構成大院十二載復登南嶽樓止絕頂十三年豫章太守商祐篤重其道命住東明寺即東晉安帝世之所造僧數繁湊寶曆中爲奏改爲世福兼置戒壇續勅改爲度僧寺其間形像皆元之化導太和元年沈傳中丞又加信向元於院南別造佛閣五層功就謂弟子曰福事無盡生涯有期物有闕然後人庀具吾終後可將屍漆布安閣下言訖而化門人特旁立塔焉

智顗

按宋高僧傳智顗者中山人也自幼辭親來五臺山善住閣院禮賢林爲師誦經合格得度神情爽拔氣調高峙於世資財少欲知足糲食充腹蠶衣禦寒餘有寸帛未嘗不濟諸貧病也遊方參預諸講席傳法華維摩二部窮源盡理後挂錫高峰息心却掃距元和中衆辟爲五臺山都檢校守僧長顗與時遷徙固辭不允遂登此職後遇歲當饑饉寺宇蕭條有華

嚴寺是大聖棲真之所巡遊者頗衆供施稀疎院宇倫巡例稱不迨衆請爲華嚴寺都供養主時德不孤有法照無著澄觀之出世也當觀師製華嚴經疏海衆雲集諸願爲講主日供千僧十有餘禪食無告乏皆云有無盡藏之米麪也歲久頗見豐盈有鄰院僧義圓亦當代之碩德也謂顗久知常住私有謗言非平等心是貪饕者也夜有神人報圓曰僧長是千佛之一數也汝發輕言若不悔過當墮惡道圓乃詰朝鳴足懺謝有茲驗也及鍾武宗澄汰顗遁乎山谷不捨文殊之化境未逾歲載宣宗即位勅五臺諸寺度僧五十人宣供衣帳山門再辟顗爲十寺僧長兼山門都修造供養主大中七年與寰海遊臺四衆建無遮精妙供養一月日乃謂大衆曰吾欲暫憩微愜息心敘述佐助衆務吾無能爲也付諸俊哲繼吾遺躅乃淨室安坐而滅春秋七十七夏臘五十八云

慧靈

按宋高僧傳慧靈未詳何許人也幼脫塵機勤從誦習及當應法戒品方圓銳意毗尼探賾持犯以行副解心口相符由是講訓名望翕如也人皆奉畏神明如也大中七年宣宗幸莊嚴寺禮佛牙登大塔宣問者老乃賜紫衣其年六月勅補靈爲新寺上座矣帝望寺西北廢樓持寺乃下勅曰朕以政閑賞景幸於莊嚴其寺複殿重廊連甍比棟幽房秘宇窈窕疏通密竹翠松垂陰擁秀行而迷道天下梵宮高明寡匹當建之時以京城西昆明池勢微下乃建木浮圖高三百尺藩邸之時遊此伽藍觀斯勝事其總持寺大業中立規制與莊嚴寺正同今容像則毀忍草隨荒

香徑蕪侵尚存基址其寺宜許重建以副寸心三月十一日令三教首座辯章勾當修寺及舉工推靈爲綱任崇聖寺賜紫叔川充寺主福壽寺臨壇大德賜紫元暢充都維那靈居寺職清衆成序帝所欽重寺中常貢梨華蜜其色白其味愈常蠅房所取者靈居新寺終矣究其靈公如會預代宗永泰中參譯證義則可年百奇歲矣如不見不空良賁乃春秋夏臘無理知焉

常達

按宋高僧傳常達字文舉俗姓顧海隅人也發跡河陽大福山遊學江淮諸勝寺達允迪中和克完戒法專講南山律鈔後求涅槃經音法華止觀復通陰符老莊百家之書其餘分時之學盡一王之筆迹後隨方參禪詣於宗極俄屬武宗滅法歎曰我生不辰不自我後由是寂默山棲委裘遁世而無問焉宣宗重建法幢荐興精舍令境民人皆達之化導故太守韋曙特加崇重身不衣繒綺室惟蒙薛羅四衆知歸諸方慕化其潔白鶴鷺如也咸通十二年合郭僧民請紹四衆救誨或遊遊垌牧或嘯傲海壖不出林麓動經數載雖貴士單車詣門莫得而見於七五言詩追用元和之體著青山履道歌播人脣吻忽於自恣明辰鳩衆於長廊合掌遂申長別辭甚剛正因臥疾不起絕食七日而逝實咸通十五年九月十六日也春秋七十四僧臘五十一門人會清傳朗奉靈柩殯於寺之東南三百步後年即墳起塔頡頏陳言撰塔銘邑大夫汝南周思輯爲檀信乾符四年立碑焉

丹甫



按宋高僧傳丹甫者不知何許人也性多警達言必剛直講授維勤執持雅正會稽風土律範淵府也甫之唱導從之者若元金之就磁石焉本習業於互文律師法集文即省躬之游夏也甫即躬之嗣孫順正命章幹通祕隨越自曇一元儼之後罕能追躡甫之聲塵過於前烈然爾時允文匠手相部風行甫介於大律之間行事之時草從風偃焉咸通末出門生智章等傳講今亦法嗣存焉或聞者手記尋且未獲吁惜哉

法相

按宋高僧傳法相姓俞氏吳長水人也天寶中誕育為櫻兒卓異七歲投師受經法三決旬誦通法華全部弱冠往長安安國寺得滿足戒即大曆中也便於上京習毗尼道諸部同異無不該綜涉十一載蔚成其業傳法東歸請學者如林吳郡太守奏於開元寺置戒壇相預臨壇之選尋充依止兼衆推為寺綱管恆施二衆歸飛行佩流囊器不畜長每有鳥棲於座側馳斥不去會昌元年二月十日午時三刻告弟子清濟清高吾當滅矣儼然累足右脅而逝時衆盡聞管絃清亮乃天樂也夕觀異光春秋八十九僧臘六十九四月遷塔於來蘇鄉之原白塔是也後弟子率義州刺史曹信大理司直吳方重修塔發之見相遺骨若銅色舌相不壞若芙蓉焉齒全四十二香湯沐之重葬蓋景福二年癸丑歲五月二十二日也高弟子公靜靜弟子行蘊蘊弟子仁表表弟子元杲杲本清白之僧也同鴻啓重修靈光一寺為兵革殘毀之後也杲公啓公後偕隱天台習禪觀相次終於山梵

之皆獲舍利焉

文舉

按宋高僧傳文學姓張氏婺州東陽人也年甫至學遂投師請法十九落髮始墮息慈貞元三年勅度得戒後十五年間以四分律為學時術之晝夜勸勵遂登講訓大遍法華經疏義得智者之膏腴焉身量六尺餘其形如山其貌如玉靜若止水動如浮雲目不迴視口無戲言四威儀中無非律範丹丘二衆仰為準繩其奔走他方聽受者與佛窟則公禪道並驅而相高也尋勅為國清寺大德先是智者大師答隋煬帝問立七日金光明道場每年九月遐邇征鎮侯伯差人送供事既無礙黑白二衆無遠不屆人纔填委飲食闕焉典座僧思之大和中主事僧清蘊咨謀於舉置寺莊田十二頃自此光明會不聞告乏舉之功歟以會昌二年五月化去門人幼清立塔於寺之西峰春秋八十三僧夏五十五韓又為碑頌德也

允文

按宋高僧傳允文字執經姓朱氏今秀州嘉禾人也權輿九歲厭父云亡然理命捨文奉佛師授維摩法華二經敏速之性再稔皆遍高達之士謂之重理耳或戲問文曰爾出家之後擬營何事業乎率然對曰當陟蓮華臺而作師子吼或詞詰之曰者宿前敢爾或曰志欲得大此子將來未易測也至十六歲削頂周羅披安陀會相太裹足西上投嵩山臨壇大德達和尚邊獲無作法時年二十三矣是夏即就中京攻相部律宗并中觀論補衣分衛寒燠四周既扣義門必入師室衣樞律範尤見精微大和五年為思定省

忽歎歸歟既返故鄉淹時寢疾未遑講唱後聞錢塘天竺寺講大涅槃經蔚為勝集文往學焉星歲末周鋒芒且露開成元年因遊台嶠止息越之嘉祥寺衆藉清芬甄命數其經律文最約聽徒頗為嚴毅常訓之曰夫苾芻行非家法具足別解脫律儀衆同分是其自性於其形色精進故怖畏故防守故如是方疾得道果矣不然則弟子既情師道徒施聞其警策有涕泗交橫校心華行思過半矣會昌三年移居靜林寺專以涅槃宣導屬乎武宗澄汰例被搜揚晝披縫掖之衣夜著緦條之服罔虧僧行惟這俗議大中伊始復振空門重整法儀乃隸名開元寺三十人數七年寺之耆舊命講律乘乾符二年丙申秋罷講覽藏經以中和二年壬寅六月二十九日微疾作而長逝享齡七十有八法臘五十五其年七月十二日葬於石奇山之陽遺言不許封樹也初文講演升座學徒畏憚暗鳴之際人皆披靡乃戒威德之若是於嘉祥靜林今大善三寺講相疏二十七座大經二十五座其為人也貌古而脩長銳頂而黥黑執持密緻振鷲在庭未足方其潔也然亦獵涉儒墨慕自傳自作誌預著方墳銘藏於篋笥門人懷益因尋閱文籍見而悲咽遂從先師之志建小塔焉後門人懷肅思寂命名德虛受增加後序贊寧登會稽曾禮文真相見法孫可朔苦節進修叶杜多之行故熟其事迹也

道宣

按宋高僧傳道宣姓錢氏丹徒人也一云長城人其先出自廣陵太守讓之後洎太史令樂之撰天文集占一百卷考諱申陳吏部尚書皆高矩令飲周仁全

行母娘夢月貫懷復夢梵僧語曰汝所姪者即梁朝僧祐律師則南齊剡溪隱嶽寺僧護也宜從出家崇樹釋教云凡十二月在胎四月八日降誕九歲能賦十五厥俗誦習諸經依智願律師受業泊十六落髮便諱曰嚴道場弱冠極力護持專精克念感舍利現於寶函隋大業年中從智首律師受具武德中依首習律緣聽一編方議修禪願師呵曰夫適遐自邇因微知章修捨有時功願須滿未宜即去律也抑令聽二十編已乃坐山林行定慧晦迹於終南傲掌之谷所居之水神人指之穿地尺餘其泉迸湧時號爲白泉寺猛獸馴伏每有所依名華芬芳奇草蔓延隋末徙崇義精舍載遷豐德寺嘗因獨坐護法神告曰彼清官村故淨業寺地當寶勢道可習成聞斯卜焉焚功德香行般舟定時有羣龍禮謁若男若女化爲人形沙彌散心顧盼邪視龍赫然發怒將搏攫之尋追悔吐毒井中具陳而去宣乃令封閉人或潛開往往煙上審其神變或送異華一奩形似瓊華大如榆莢香氣馥郁數載宛然又供奇果李孟梨奈然其味甘其色潔非人間所遇也門徒嘗欲舉陰事先是潛通以定觀根隨病與藥皆此類者有處士孫思邈嘗隱終南山與宣相接結林下之交每一往來議論終夕時天早有西域僧於昆明池結壇祈雨詔有司備香燈供具凡七日池水日漲數尺有老人夜詣宣求救頗形倉卒之狀曰弟子即昆明池龍也時之無雨乃天意也非由弟子今胡僧取利於弟子而欺天子言祈雨命在旦夕和尚法力加護宣曰吾無能救爾爾可急求孫先生老人至思邈石室冤訴再三云

宣律師示我故敢相投也邇曰我知昆明池龍宮有仙方三十首能示余余乃救爾老人曰此方上界不許輒傳今事急矣固何所格少選擇方而至邇曰爾速還無懼胡僧也自是池水大漲數日溢岸胡僧術將盡矣無能爲也及西明寺初就詔宣充上座三藏獎師至止詔與翻譯又送眞身往扶風無憂王寺遇勅令僧拜等上啓朝宰護法又如此者撰法門文記廣弘明集續高僧傳三寶錄羯磨戒疏行事鈔義鈔等二百二十餘卷三衣皆紵一食惟菽行則杖策坐不倚牀蚤發從遊居然除受土木自得固已亡身嘗築一壇俄有長眉僧談道知其寶實頭盧也復三果梵僧禮讚曰自佛滅後像法住世典發毗尼惟師一人也乾封二年春冥感天人來談律相言鈔文輕重儀中外悞皆譯之過非師之咎請師改正故今所行著述多是重修本是也又有天人云曾撰祇洹圖經計人間紙帛一百許卷宣苦告口占一一抄記上下二卷又口傳偈頌號付囑儀十卷是也貞觀中曾隱沁郡雲室山人賂天童給侍左右於西明寺夜行道足跌前階有物扶持履空無害熟顧視之乃少年也宣遽問何人中夜在此少年曰某非常人即毗沙門天王之子那吒也護法之故擁護和尚侍之久矣宣曰貧道修行無事煩太子太子威神自在西域有可作佛事者願爲致之太子曰某有佛牙寶掌雖久頭目猶捨放不奉獻俄授於宣宣保錄供養焉復次庭除有一人來禮謁謂宣曰律師當生觀史天宮持物一苞云是棘林香爾後十旬安坐而化則乾封二年十月三日也春秋七十二僧臘五十二累門人

寔於墳谷石室其後樹塔三所高宗下詔令崇飾圖寫宣之眞相匠韓伯通塑繪之蓋追仰道風也宣從登戒壇及當泥洹其間受法傳教弟子可千百人其親度曰大慈律師授法者文綱等其天人付授佛牙密令文綱掌護持去崇聖寺東塔太和初丞相韋公處厚建塔於西廊焉宣之持律聲振竺乾宣之編修美流天下是故無畏三藏到東夏朝謁帝問自遠而來得無勞乎欲於何方休息三藏奏曰在天竺時常聞西明寺宣律師秉持第一願往依止焉勅允之宣持禁堅牢捫蝨以繭紙裹投於地三藏曰撲有情於地之聲也凡諸密行或制或遮良可知矣至代宗大曆二年勅此寺三綱如聞彼寺有大德道宣律師傳授得釋迦佛牙及肉舍利宜即詣右銀臺門進來朕要觀禮至十一年十月勅每年內中出香一合送西明寺故道宣律師堂爲國焚之禱祝至懿宗咸通十年左右街僧令香元暢等上表乞追贈其年十月勅諡曰澄照塔曰淨光先所居久在終南故號南山律宗焉天寶元載靈昌太守李邕會昌元年工部郎中嚴厚本各爲碑頌德焉

道成

按宋高僧傳道成者不知何許人也居於天邑演彼律乘戒月揚光圓而不闕德瓶告實滿而不傾當顯慶中數四分一宗有同壽時文綱律匠雖先依澄照大師後習律文乃登成之堂奧矣又懷素著述皆出其門垂拱中日照三藏譯顯識等經天后詔名德十員助其法化成與明均嘉尚同預證義由是聲飛神甸位首方壇謂之梧桐多棲鳳鳥謂之芳芷頗秀

蘭叢門生孔多無過此集然不詳終所

文綱附名條

按宋高僧傳文綱姓孔氏會稽人也曾祖範陳都官尚書祖禮祠部侍郎考頂生逃海避隋擇木歸舜貞觀始拜尚乘直長咸光復儒業旁通釋教是故綱也植宿根從習氣慈母懷孕雖食棄指有婆羅門僧頭陀語其母曰若此男終紹三寶目爾每聞空中多異香雜仙樂及誕育之日白鶴翔集若臨視焉比襁褓中午後不受乳哺猶堅持齋者童叢隨訪道十二出家冠年受具精慮苦行專念息心藜羹糗糧麻衣草蓆操有舞檢口無溢言尋詣京兆沙門道成律師稟毗尼藏二十五講律三十登壇每勤修深思凝視反聽淨如止水巖若斷山或風雨宴居或晝夜獨得故能吉祥在手不捨其瓶威德迎風不絕於氣出龍瘡馬坐致虛空起屋下層自然成就惟甘露之滂口喻利劍之傷人慎之重之廣矣至矣由是八方來學四分永流請益者舉袂雲臨讚歎者登聲雷駭久視中天作淫雨人有憂色綱愍之乃端坐思維却倚屋壁奄至中夕欬爾半傾惟餘背間崢嶸然山立識者以爲得神通因定力故日月靈跡幽明潛感兆於集事應乎遺言左右怪之綱曰夫真實無相塵色本空正覺圓常大悲湛定不可取也是以一時法主四朝帝師同迦葉之入城遇匿王之說戒竹園門外別有沙彌畢樹枝間廣聞鴉鳥所以受潤者博入見者深萬病已痊獲歡喜之藥一心不染解煩惱之繩又恭承絲綸京都翻譯追論惠用遠契如因翹誠滿朝禮施敵國但依布薩盡用莊嚴累歷伽藍二十餘所凡是

塔廟各已華豐猶且刺血書經向六百卷登壇受具僅數千人至苦至勤納無我之海不寢不食種無生之田長安四年奉勅往岐州無憂王寺迎舍利景龍二載中宗孝和皇帝延入內道場行道送真身舍利往無憂王寺入塔其年於乾陵宮爲內尼受戒復於宮中坐夏爲二聖內尼講四分律一徧中宗嘉尚爲度弟子賜什物綵帛三千匹因奏道場靈感之事六月七日御札題勝爲靈感寺是也諸寺辟頑德以隸焉夫其左築宿右山林南臺終山北池渭水千門宮闕化出雲霄萬乘旌旗天迴原隰先天載曆宗聖眞皇帝又於別殿請爲菩薩戒師妃主環階侍從羅拜兜率天上親聽法言王舍城中普聞淨戒思旨賜絹三千餘匹綱悉付常住隨事修營或金地緣垣用增上價或寶坊飛閣克壯全模或講堂經樓舍利淨土或軒廊器物廚庫園林皆信施法財周給僧寶方將示迷津引覺路濯熱火宅拯溺毒流而乃奄忽神遷斯須薪盡雖有應化何其速歟以開元十五年八月十五日怡然長往時春秋九十有二其年九月四日塔於寺側焉聞哀奔喪執紼會葬香華幢蓋繙素華夷填城塞川雲雲翳景蓋數萬人有若法侶京兆懷素滿意承禮襄陽崇拔扶風鳳林江陵恆景淄州名格等百餘人咸曰智河舟楫法宇棟橈而已哉有若弟子淮南道岸蜀川神積岐隴慧顯京兆神慧思義紹覺律藏恆通崇業等五十餘人竝目以慈眼入於度門金棺不追灰骨罔答乃請滑臺太守李邕爲碑卽象彼馬遷法其班氏以二人而同傳必百行以齊肩不忝懷素前不慙宣師後李北海題品不其趨乎

有淄州名格律師者精執律範切勸求解嘗厠宣師法筵躬問鈔序義宣師親錄隨喜靈感壇班名於經末又附麗文綱之門也



欽定古今圖書集成博物彙編神異典

第一百六十六卷目錄

僧部列傳四十二

唐十八

懷素

眞表

靈嶠

崇業

德秀

詮律師

道光

守直

曇一

齊翰

大義

辯秀

鑒源

乘如

靈澈

神皓

道岸

秀公

滿意

元儼

愛同

法慎

鑒眞

嚴峻

曇一

朗然

義宣

如淨

志鴻

清江

省躬

神異典第一百六十六卷

僧部列傳四十二

唐十八

懷素

按宋高僧傳懷素姓范氏其先南陽人也曾祖嶽高宗朝選調爲絳州曲沃縣丞祖徵延州廣武縣令父強左武衛長史乃爲京兆人也母李氏夢雲雷震駭因而娠焉誕育之辰神光滿室見者求占此子貴極當爲王者之師傅也幼齡聰黠器度寬然識者曰學必成功才當逸格耳聞口誦皆謂老成年及十歲忽發出家之意猛利之性二親難沮貞觀十九年元樊三藏方西域迴誓求爲師雲與龍而同物星將月以共光俱懸釋氏之天悉麗著明之象初尋經論不費光陰受具已來專攻律部有鄆郡法礪律師一方名器五律宗師迷方皆俟其指南得路咸推其鄉導著疏十卷別是命家見接素公知成律匠研習三載乃見諸瑕喟然歎曰古人義章未能盡善咸亨元年發起勇心別述開四分律記至上元三年丙子歸京奉詔住西太原寺傍聽道成律師講不輟緝綴未淳元年十軸畢功一家新立彈糾古疏十有六帙焉新義半千百條也傳翼之彪搏攫而有知皆畏乘風之震碎軀而無遠不聞所化翕然所傳多矣復著俱舍論疏一十五卷遺教經疏二卷鈔三卷新疏拾遺鈔二十卷四分僧尼羯磨文兩卷四分僧尼戒本各一卷日誦金剛經三十卷講大律已疏計五十餘篇其餘書經畫像不可勝數於本寺別院忽示疾力且薨然告秀章曰余律行多闕一報將終時空中有天樂瀏

亮奄然而逝俗齡七十四法臘五十三葬日有鴻鶴遶塔悲鳴至暮方散素所撰述宗薩婆多何邪以法密部緣化地部出化地從有部生故出受體以無表色也又斥二宗云相部無知則大開量中得自取大小行也南山犯重則與天神言論是自言得上人法也大抵素疏出謂之新章焉開元中嵩山實律師造飾宗記以解釋之對礪舊疏也又謂爲東西塔律宗因傳習處爲名耳大曆中相國元公載奏成都寶園寺置戒壇傳新疏以俸錢寫疏四十本法華經疏三十本委寶園光翌傳行之後元公命如淨公爲素作傳韋南康臯作靈壇傳授毗尼新疏記有承襲者刊名於石其辭迥麗其翰兼美至今蜀中傳以爲口實焉

道岸

按宋高僧傳道岸姓唐氏世居潁川是爲大族漢尚書令琳司空珍吳尚書僕射固雍州刺史彬涼鎮北將軍瑤之後也永嘉南度遷於光州衣冠人物輝映今古岸生而不羣少而奇榮爰在髫髻有若老成齒曹膠庠徇齊墳典翕恐聞見未博藝業有遺遂浮江淮達洙泗探禹穴升孔堂多歷年所矣操翰林之鼓吹游學海之波瀾討論百家商榷三教乃歎曰學古人官紆金拾紫儒教也餐松餽餌柏駕鶴乘龍道教也不出輪迴之中俱非機驗之義豈若三乘妙旨六度宏功鐫錄世間掌握沙界哉遂落髮出家洗心訪道一音克舉四情通堅修律儀深入禪慧夜夢迦葉來爲導師朝閱真經宛契冥牒由是聲名藉甚遠近吹噓爲出世之津梁固經行之領袖十方龍象罔不

師範焉萬國鴟鵂無敢訓對者向若迴茲妙識適彼殊途議才必總於四科濟世雅符於三傑有若越中初法師者祕藏精微因不明練道高寰宇德重丘山岸聞善若鶩同聲相應乘杯去楚杖錫遊吳雲霧一披鐘鼓齊振期牙合契澄什聯芳由是常居會稽龍興寺焉揚越黎庶江淮釋子輻輳烏合巷少居人罕登元禮之門且觀公超之市岸身遺繼蓋心等虛空不擇賢愚無論貴賤溫顏接待善誘克勤明鑑莫疲洪鐘必應皆窺天挹海虛往實歸其利溥哉無得稱也時號為大和尚登無畏座講本又律容止端嚴辭辯清暢連環冰釋理窟毫分瞻仰者皆悉由衷聽受者得未曾有於是高僧大士心醉神傾捐棄舊聞佩服新義江介一變其道大行孝和皇帝精貫白業遊藝元樞聞而異焉遣使徵召前後數介乃始入朝與大德數人同居內殿帝因朝服躬問清言雖天聽屢迴而聖威難犯凡厥目對靡不魂驚皆向日趨風滅聽收視岸人望雖重僧臘未高猶淪居下筵累隔先輩惜帝有輪王之位不起承迎以吾為舍那之後晏然方坐皇帝親其高尚伏以尊嚴偏賜衣鉢特彰榮寵因請如來法味屈為菩薩戒師親率六宮圍繞供養仍圖畫於林光宮御製畫贊開元五年歲次丁巳八月十日減度於會稽龍興道場時年六十有四海

壩何依山崩安仰天人感慟道俗哀號執紼衣緇動盈萬計弟子龍興寺慧武寺主義海都維那道融大禹寺懷則大善寺道超齊明寺思一雲明寺慧周洪邑寺懷堂香嚴寺懷彥平原寺道綱湖州大雲寺子瑀興國寺慧纂等秀粟珪璋器承磨琢荷導蒙之力

懷枯羽之恩思播芳塵必題貞石乃請禮部侍郎姚奕為碑紀德初岸本文綱律師高足也及孝和所重其道克昌以江表多行十誦律東南僧堅執罔知四分岸請帝墨勒執行南山律宗伊宗盛於江淮間者岸之力也

真表

按宋高僧傳真表者百濟人也家在金山世為弋獵表多驕捷弓矢最便當開元中逐獸之餘憩於田畎間折柳條貫蝦蟇成串置於水中擬為食調逐入山網捕因逐鹿由山北路歸家全忘取貫蝦蟇至明年春獵大聞鳴喚就水見去載所貫三十許蝦蟇猶活表於時歎惋自責曰苦哉何為口腹令彼經年受苦乃絕柳條徐輕放縱因發意出家自思惟曰我若堂下辭親室中割愛離離慈海莫揭愚籠由是逃入深山以刀截髮苦到懺悔舉身撲地志求戒法誓願要期彌勒菩薩授我戒法也夜倍日功速旋叩搥心心無間念念趨動經於七宵詰旦見地藏菩薩手搖金錫為表策發教發戒緣作受前方便感斯瑞應歡喜偏身勇猛過前二七日滿有大鬼現可怖相而推表墜於巖下身無所傷匍匐就登石壇上加復魔相未休百端千緒至第三七日寶明有吉祥鳥鳴曰菩薩來也乃見白雲若漫粉然更無高山下川平滿成銀色世界兜率天主逶迤自在儀衛陸離圍遶石壇香風華雨且非凡世之景物焉爾時慈氏徐步而行至於壇所垂手摩表頂曰善哉大丈夫求戒如是至於再至於三蘇盧盧可手摸而却爾心終不退乃為授法表身心和悅猶如三禪意識與樂根相應也四萬

二千福河常流一切功德尋發天眼焉慈氏躬授三法衣瓦鉢復賜名曰真表又於膝下出二物非牙非玉乃籤檢之制也一題曰九者一題曰八者各二字付度表云若人求戒當先悔罪罪福則持犯性也更加一百八籤籤上署百八煩惱名目如來戒人或九十日或四十日或三七日行懺苦到精進期滿限終將九八二籤參合百八者佛前望空而擲其籤墮地以驗罪滅不滅之相若百八籤飛返四畔惟八九二籤卓然墮心而立者即得上上品戒焉若衆籤雖遠或一二來觸九八籤拈觀是何煩惱名抑合前人重覆懺悔已正將重悔煩惱籤和九八者擲其煩惱籤去者名中品戒焉若衆籤埋覆九八者則罪不滅不得戒也設加懺悔過九十日得下品戒焉慈氏重告海云八者新熏也九者本有焉囑累已天仗既迴山川雲霽於是持天衣執天鉢猶如五夏比丘徇道下山草木為其低垂覆路殊無豁谷高下之別飛禽驚獸馴伏步前又聞空中唱告村落聚邑言菩薩出山來何不迎接時則人民男女布髮掩泥者脫衣覆路者鹿麕麕承足者華裙美褥填坑者表咸曲副人情一一迪踐有女子提半端白氈覆於途中表似驚忙之色迴避別行女子怪其不平等表曰吾非無慈不均也適觀氈縫間皆是狶子吾慮傷生避其悞犯耳原其女子本屠家販買得此布也自爾常有二虎左右隨行表語之曰吾不入郭郭汝可導引至可修行處乃緩步而行三十來里就一山坡踰踰於前時則挂錫樹枝數草端坐四望信士不勸自來同造伽藍號金山寺焉後人求戒年年懺罪者絕多今影堂

中道具存焉

秀公

按宋高僧傳秀公者齊安人也髮年天然有離俗之意焉既丁茶蓼便往蜀郡禮典律師諷誦經典易若溫尋又依之進具果通達毗尼乃爲典公傳律上足弟子如是四載入長安造宣律師門爲依止之客勤以忘勞涉十六年不離函丈窮幽諸部陶練數家將首疏爲宗本然向黃州報所生地次往安陸大揚講訓聲美所聞諸王牧守攸共遵承正化緇徒咸慕細行有貞固律師居於上席解冠諸生最顯清名餘皆後殿其諸成業不可勝算春秋七十餘卒於十力寺本房焉

靈嶠

按宋高僧傳靈嶠者不知何許人也勤乎切問靡憚尋師乾封中於西明寺躬預南山宣師法席然其不拘常所或近文網或親大慈皆求益也末塗懼失宣意隨講收采所聞號之曰記以解刪補鈔也若然者推究造義章之始惟慈與嶠也又別撰輕重訣故苑陵元曾親觀其文故援引之以解量處輕重儀焉金華之故其訣湮滅無復可尋矣

滿意

按宋高僧傳滿意者不知何許人也風神峭拔識量寬和經論旁通專於律學武德末所遇鄴都法礪律師作疏解曇無德律遂往樞衣明其授受如是講導三十許年乃傳付觀音寺大亮律師亮方授越州臺一盛化之間出龍象之資無過意之門也矣

崇業

按宋高僧傳崇業不知何許人也初同弋陽道岸學毗尼於文綱之法集業之服勤淳礪罔怠覺肆之間推居元長與潤州明恪齊名挺拔剛毅過之美聲洋洋達於禁闥睿宗聖眞皇帝操心履道勅以舊邸造安國寺有詔業入承明惠修別殿爲帝授菩薩戒施物優渥食過捨修菩提寺殿宇抑由先不畜盈長之故也開元中微疾囑弟子曰吾化窮數盡汝曹堅以防川無令放逸語訖終於所居寺之別院業卽南山之嗣孫矣

元儼

按宋高僧傳元儼俗姓徐氏晉室南遷因官諸暨遂爲縣族年始十二辭親從師事富春僧暉證聖元年恩制度人始墮僧數隸懸溜寺儼幼而明敏長則韶令標格峻整風儀凜然迨於弱冠乃從光州岸師諮受具戒後乃遊詣上京探驢律範遇崇福意律師并融濟律師皆名匠一方南山上足咸能升堂睹奧共所印可由是道尊戒潔名動京師安國授記並充大德後還江左編行四分因著輔篇記十卷麈尾述章三篇至今僧徒遠近傳寫初光州岸公嘗因假寐忽夢神僧謂曰元儼當爲法器云何教以小乘後乃命宣般若由是研精覃思採摭舊學撰金剛義疏七卷古德所不解先達所未詳我則發揮光明若指諸掌誓以一生宣講百遍越邑精舍時稱法華管沙門曇翼曾結庵山巖入是法三昧感偏吉菩薩徒觀其塔類多寶涌出以證經宮如轉輪飛行而聽法雙鳥所以示兆今尚翔鳴六象所以呈奇時猶隱現不可得而思議者蓋斯之謂歟信如來之福庭是菩薩之隱

嶽儼乃考槃是卜東鉢深棲建置戒壇招集律行若夫秦衡上士燕代高僧數若稻麻算同竹葉服膺請益臨躋擔簦宴坐不出幾三十載開元二十四年帝親注金剛般若經頒詔天下普令宣講都督河南元彥冲躬請儼重光聖日遂開揚幽贊允合天心令盲者見日月之光聾者聞雷霆之響儼之演暢蓋有力焉夫業小法者迷自我而爲病通大方者惜開空之法道若夫會三歸一觸理冥事自優波難已下猶或病諸而儼綱紀小乘演暢大法悟佛境之非有識魔界之爲空故能使涅槃將生死一如煩惱與菩提齊致發心而登佛地非我而誰白黑歸依當仁不讓昔僧護法師常居石城宴坐青壁仰其中峰如有佛像願造十丈以圖兜率良願未諧護公長逝梁武帝詔僧祐律師馳傳經理規模刻劃意匠纔施俄而山塚峯崩全身坐現合高百餘尺雖金石絳竹四天之供施常開功德莊嚴十地之瑠璃尚闕儼乃內傾衣鉢外率檀那布以黃金之色鑄以白銀之相銅錫錯珠琳琅玕七寶由是渾成八珍於焉具足雖寶積獻蓋界現三千迦葉貢衣金踰十萬如須彌之現於大海若果日之出於高山此又儼之功德不可思議者也故洛州刺史徐嶠工部尚書徐安貞咸以宗室設道友之禮國子司業康希範太子賓客賀知章朝散大夫杭州臨安縣令朱元春亦以鄉曲具法朋之契開元二十六載恩制度人採訪使潤州刺史齊澣越州都督景誠採訪盧見義潤州刺史王弼無不停旗淨境稟承法訓齊公乃方舟結乘奉迎儼於丹陽餘杭吳興諸郡令新度釋子躬授具戒自廣陵迄於



信安地方千里道俗受法者殆出萬人凡禮佛名經一百編設無遮大會十筵而入境住持舉無與比夫稟法傳授從佛口生有門人法華曇俊崇默龍興崇一開元智符稱心崇義香嚴懷節寶林洪雷覽引灌頂皆不傾油鉢無漏浮囊經不云乎如栴檀林栴檀圍繞如師子王師子圍繞信儀之威神有在而法主之功德不刊將知三界無安百靈共盡此生已適於後息他世應見於前心以天寶元載歲次壬午緣化已畢十一月三日現疾於繩牀七日午時坐終於戒壇院春秋六十有八粵其月二十五日寔於寺南泰山之下高樹雙塔光明踰於白雲列植千松秀色羅於明月經始則神邕崇曉住持則惟湛道昭並躬護聖場親傳智印其餘三千門人五百弟子承殷若之深法受毗尼之密行盡號願門無待彌勒天寶十五載歲次丙申萬齊融述頌德碑焉

德秀

按宋高僧傳德秀俗姓孫氏富陽人也少出塵區早棲梵宇當圓戒檢正護浮囊匪定常師雷神律府講談之外嘗哀鬼神乏食恆以深更施其飲食浙酒之民傾誠畏服及終於定山頗多靈異則天寶初載也遷神座入塔時天降舍利七顆門人以瓶盛之緘於其塔或發之見秀齒上生舍利紛紛而墜後人還累甃成浮圖鄉人云恆有白蛇蟠屈守塔樵牧之童無敢近者

愛同

按宋高僧傳愛同俗姓趙氏本天水人也代襲冠冕弱齡挺拔惠然肯來為佛家子具戒後講彌沙塞律

遠近師慕若麟羽宗乎鯤鳳也昔南宋朝蜀賓三藏覺壽譯成此律因出羯磨一卷時運遷移其本零落尋求不獲學者無依同遂於大律之內抄出羯磨一卷彼宗學者盛傳流布被事方全孝和之世神龍中盛重翻宣同與文綱等恭預譯場推為證義義淨所出之經同有力焉者五分律疏十卷復遺囑西明寺元通律師重施潤色後安史假授焚燎喪寺今無類矣

詮律師

按宋高僧傳詮律師者五臺縣人也緣服出家冠軍受戒儀則清雅衆綱繩習毗尼宗祕菩薩行詮除訓徒外守默無撓遠近有事靡不豫知人謂為得他心通也一食終日蔽衣遮體不貯顆粒房無縷絲其強本節用造次不可及也入滅之日祥雲鬱密天樂鈴鐺闐寺僧徒皆聞異香紛馥乃召集寺衆執手告辭囑累門人踟躕而滅云

法慎

按宋高僧傳法慎姓郭氏江都人也孩抱之歲誓志空門親愛所鍾志不可奪從瑤臺成律師受具戒依太原寺東塔體解律文絕其所疑時賢推服或一言曲分於衆表精理自得於環中聲振京師如晞愛日諸寺衆請綱領乃默然而東歸既還揚都俯允羣願恆誦金剛般若經如意輪般若佛心我得此心衆生亦得如意勝願我如此願衆生亦如謂天台止觀包一切經義東山法門是一切佛乘色空兩忘定慧雙照不可得而稱也慎暑不攝齋食不求飽居不易坐四方捨施歸於大衆一身有無均於最下朝廷之士

銜命往還路出維揚終歲百數不踐門閭以為大羞仰承一盼如洗飢渴慎與人子言依於孝與人臣言依於忠與人上言依於仁與人下言依於禮佛教儒行合而為一學者流悞故親校經論延來者聽受故大起僧坊將警羣迷故廣圖菩薩因地善護諸命故曲濟衆生壽量以文字度人故工於翰墨以法皆佛法故兼采儒流以我慢為防故自負衣鉢以規矩為任故綱正緇林以發揮道宗故上行恭禮以感慕遐迹故不遠他邦以龍象參議故再至京國以軌度端明故研精律部焉黃門侍郎盧藏用才高名重罕於推挹一見於慎慕味循環不能離坐退而歎曰宇宙之內信有高人黃門於院中置以經藏嚴以香燈天地無疆像法常在太子少保陸象先兵部尚書畢構少府監陸餘慶吏部侍郎嚴挺之河南尹崔希逸太尉房瑄中書侍郎平章事崔渙禮部尚書李愷薛人王昌齡著作郎基母潛僉所瞻奉願同灑掃感動朝宰如此以天寶七載十月十四日晨與盟漱就胡牀脚跌心奉西方既墮而滅於龍興寺別院春秋八十三夏六十二繙素弟子北距泗沂南踰嶺微望哭者千族會葬者萬人其上首曰會稽雲一閭僧懷一南康崇叔管陵義宣錢塘譚山寺惠覺洛京法瑜崇元鶴林寺法勵法海維揚惠凝明幽靈祐靈一等罔不成樂說辯才入法華三昧衆所知識物之依怙天上甘露正味調柔人中象王利根成熟音樂樹下長流福慧之泉雪山峰頂仰見清涼之月金剛決定煩惱無餘優曇開敷香潔盈滿法施之恩郡居之感哀奉色身經始靈塔於蕪城西蜀岡之原像教也幽公自

幼及衰恆所親侍後請禮部員外郎趙郡李華爲碑紀述大曆八年癸丑十二月也大理司直張從申書趙郡李陽冰題額其塔亦幽公經度建塔之地廣袤如素高卑得中周臨四衢平視千里門人環蔭列柏薦以名香其塔屬會昌中例皆毀焉

### 道光

按宋高僧傳道光姓褚氏踰亂出家方冠受具詣光州和尚學通毗尼於時夏淺德崇道場屬望蓋天資真士爲東南義虎雲雨慈慧笙鏘道聲光持法華經創塔廟泊沒身不忘也上元元年庚子仲秋示疾終於本寺春秋七十九法臘五十八是日馳陽昧淫雨惡烈風崇朝嘉木爲折乃東土福盡之徵也俄然喜氣五色亭亭如蓋移晷不散偏映精廬卽西方往生之意也初光未歿其月三日臂明支疾凝神依色身觀彌陀具相現在其前滿庭碧華昔所未覩者四日味爽有異人請光爲和尚遂開目彈指曰但發菩提心至五日曼陀羅華自天而雨門人神烈義津追慕弗遑各分法味流布行化香火無窮云

### 鑒真

按宋高僧傳鑒真姓淳于氏廣陵江陽縣人也總帥俊明器度宏博能典謁矣隨父入大雲寺見佛像感動夙心因自父求出家父奇其志許焉登便就智滿禪師循其獎訓屬天后長安元年詔於天下度僧乃爲息慈配住本寺後改爲龍興道中宗孝和帝神龍元年從道岸律師受菩薩戒景龍元年詣長安至二年三月二十八日於實際寺依荆州恆景律師邊得戒雖新發意有老成風觀光兩京名師陶誘三藏教

法數該該通動必研幾會無於伐言旋淮海以戒律化誘蔚爲一方宗旨冰池印月適足清明祝座揚音良多響答時日本國有沙門榮叔普照等東來募法用補缺然於開元年中達於揚州爰來請問禮真足曰我國在海之中不知距齊州幾千萬里雖有法而無傳法人譬猶終夜有求於幽室非燭何見乎願師可能輟此方之利樂爲海東之導師乎真觀其所以察其翹勤乃問之曰昔聞南嶽思禪師生彼爲國王興隆佛法是乎又聞彼國長屋曾造千架裝來施中華名德復於衣緣緇偈云山川異域風月同天寄諸佛子共結來緣以此思之誠是佛法有緣之地也默許行焉所言長屋者則相國也真乃募比丘思託等一十四人買舟自廣陵齋經律法離岸乃天寶二載六月也至越州浦止署風山真夜夢甚靈異纔出洋遇惡風滿舟人顧其垂沒有投棄棧香木者聞空中聲云勿投棄時見舳艫各有神將介甲操仗焉尋時風定俄漂入蛇海其蛇長三丈餘色若錦文後入魚海魚長尺餘飛滿空中次一洋純見飛鳥集於舟背壓之幾沒泊出島海乏水俄泊一島池且泓澄人飲甘美相次達於日本其國王歡喜迎入城大寺安止初於盧遮那殿前立壇爲國王授菩薩戒次夫人王子等然後教本土有德沙門足滿十員度沙彌澄修等四百人用白四羯磨法也又有王子一品親田捨宅造寺號招提施水田一百頃自是已來長教律藏受教者多彼國號大和尚傳戒律之始祖也以日本天平寶字七年癸卯歲五月五日無疾辭衆坐亡身不傾壞乃唐代宗廣德元年癸亥春秋七十七至今其

身不施芋漆國王貴人信士時將寶香塗之僧思託著東征傳詳述焉

### 守直

按宋高僧傳守直字堅道錢塘人也姓范氏齊信安太守理之八葉禮既冠衆君子器之風有丘園之期不顧元纁之錫遂詣蘇州支硎寺圓大師所受具足律儀是夜眼中光現長一丈餘持久方滅蓋得戒之驗也後抵江陵依真公三年練行尋禮天下二百餘郡聖跡所在無不至焉見無畏三藏爲受菩薩戒聞普寂大師傳楞伽心印講起信宗論二十餘徧南山律鈔四十徧平等一雨大小雙機在乎圓音未嘗少異乃立願誦華嚴經還於中宵夢神人施珠一顆及覺惘惘然如珠在握是歲入五臺山轉華嚴經二百徧追風心也宏覽大藏經三過廣正見也至開元二十六年有制舉高行道俗請正名諱大林寺後移籍天竺住靈隱峰時大曆二年也至五年三月寓於龍興淨土院謂左右曰夫至人來如而來乘如而去示其心然也而愚夫欲以長繩繫彼白日安可得乎吾景落桑榆豈淹久也以其年此月二十九日告終春秋七十一僧臘四十五其間臨壇度人多矣顯名者洞庭辯秀湖州皎然惠普道莊會稽清江清源杭州擇鄰神僊常州道進畫公著塔銘云

### 嚴峻

按宋高僧傳嚴峻姓樊氏離州人也父任碭州長史昭王府司馬峻性地夷然學習明利年及十九應進士舉條羅茶麥恩報劬勞投南陽佛寺後抵荆州玉泉山蘭若遇真禪師示其禪觀入城泊大雲寺峻乘

持戒印用之不刊憑附浮囊渡之攸往衆請臨壇復舉律之宗主題勉承命忽逢觀淨禪師頓明心法大曆元年思往清涼山未達廬陵見顏魯公一言相契膠漆如也二年春宜春太守俾僧正馳疏請召四年春洪州刺史李華員外延入大明寺住止三月中俄命沐浴換衣舉望空虛合掌而逝春秋五十九遷塔弟子圓約等於寺前大泉池立碑存焉

曇一

按宋高僧傳曇一姓張氏蓋韓人也其先軒轅賦姓至良佐漢侯於留魏晉已還衣冠繼代曾祖恆隋太常卿廼躍揚都遂家於越恆生孝廉翼翼生處士蕺蕺生一令聞江南今四葉矣一宿植淨因生知慧性弱而敏悟長而聰明年十五從李泊先生習詩禮終日不遑十六聽雲門寺茂亮法師經論一聞懸解法師異之謂其母孟氏曰此佛子也可令削髮當與授記亮即孝和皇帝菩薩戒師也一聞而歡喜有度世之志景龍中承恩出家隸在僧錄年滿受具於丹陽元昶律師學通事鈔於富陽曇勝律師既而鑽木見煙窺牆觀奧開元五年西遊長安依觀音寺大亮律師傳毗尼藏崇聖寺檀子法師學惟識俱舍等論安國寺印度沙門受菩薩戒於是蓮華不染之義甘露甚深之旨一傳慧炬了作梵雄遠近瞻仰如宗師矣然刃有餘地時兼外學常問周易於左常侍褚無量論史記於國子司業馬貞遂瀛州百氏囊括六籍增廣聞見自是儒家調御人天皆因佛事公卿嚮慕京師藉甚時丞相燕國公張說廣平宋璟尚書蘇瓌充國陸象先祕書監賀知章宜州涇縣令萬齊融皆以

同聲並爲師友雖支許之會虛嘉宗雷之集廬楸未云多也四分律者後秦三藏法師梵僧佛陀耶舍傳誦中華與羅什法師共爲翻譯今之講授自此員來魏法聰律師始爲演說聰授道覆覆授光洎隋朝相部勵律師作疏十卷西京崇福寺滿意律師盛傳此疏付授亮律師其所傳授一一依勵律師疏及唐初終南宣律師四分律鈔三卷詳略同異自著發正義記十卷明兩宗之路駁發五部之鈐鍵後學開悟夜行得燭前疑泮釋陽和解冰佛日昭晰而再中法棟崢嶸以高峙發正記中斥破南山持犯中可見也二十五年仗錫東歸明年詔置開元寺長史張楚舉爲寺主因而居焉一聲振京華道高吳會布大慈以攝衆修萬行以表儀順風問道者數擊肩摩函丈請益者波委雲萃虛受之量隨而演說故前後講四分律三十五遍刪補鈔二十餘遍焉江淮釋子受木叉者非一登壇即不爲得法從持僧律蓋度人十萬計矣至德之際國步多艱縹緲徙慢法罕率經教國相王公出鎮於越以一德名素高請爲僧統一變清淨大關熏修淡旬之間迴邪入正善誘潛化皆此類焉始者一入關謂明達法師目之曰汝人中師子也又遇遵善寺尼慈和歌曰曇一師解毗尼大聰明更無疑爲達人之所謔多矣天寶十四載剡河湖水南激錢塘大雲伽藍當茲湍湟因請一講律學徒千人咸發大願每上念摩訶般若乃止濤激以福伍胥龍王用茲莊嚴祈於衛護五月晦夜愜悅之間見一神人衣冠甚偉稽首謝曰蒙垂法施即改波流未逾九十日漲沙五十里道俗驚歎得未曾有一蔚爲法主大揚教

跡發明前佛之付囑保證後佛之護念四句作偈受持者了於未了一音演法諦聽者聞所不聞非夫天地淳精江山粹靈與法作程間世而生孰能元通密證如此其大者乎寺中洪鐘一所作也遠徵鳬氏近法雷門生存累年匠其規制歿後三日成於銘造聲應百里扛乎萬鈞蒲牢吽而地震師子吼而山業警悟聲俗導引迷方胡可言也法謝形離薪盡火滅以大曆六年十一月十七日遷化於寺之律院報齡八十僧臘六十一即以明年十一月二十四日遷座於秦望山從先和尚之塋也一春秋已高精爽逾勵旣不衰憊初無疾苦忽謂侍者曰吾將掃禮壇塔歸骨於此數日之後奄然而終江淮之南河洛之表衣纓制服執紼送喪號哭滿山旛華蔽野比夫刺孟之母送車千乘孔丘之墓栽樹萬株可同年哉門人越州妙喜寺常照建法寺清源湖州龍興寺神玩宣州隱靜寺道昂杭州龍興寺義實台州國清寺湛然蘇州開元寺辯秀潤州棲霞寺昭亮常州龍興寺法俊等早發童蒙咸承訓誘三千弟子仰梁木而增悲八萬門人望栴檀而不及時會稽徐公浩素敦鄉里之舊爲碑頌德焉大曆十一年也

靈一

按宋高僧傳靈一姓吳氏廣陵人也神清氣和方寸地虛與太和元精合其純粹年肇九歲僻嫌朽宅決入梵園墮息慈之倫棄出家之制暨乎冠受其具足學習無倦律儀是修示見談笑欲明解脫示人文藝以誘世智初不計身中有我我中有身德全道成緣斷形謝以寶應元年冬十月十六日寂滅於杭州